



## BUNCLE SU

čo. 22

- začinjene domjace črije
- čerwjene cyhele, typiske za holanske kónčiny
- wosebje wulke běrny

Prawa je wotmołwa **a**.

*Buncle su zadomjeny wuraz za domjace črije, kotrež pak su začinjene. Ja znajmjeńša rozeznawam mjez zawrjenymi bunclemi a wočinjenymi toflemi. Buncle su husto z pjelsće, potajkim z pjelsćowaneje wołmy.*

### Takle móžeš tež prajić:

- domjace črije, pjelsćowe črije, filcowe črije

### Kedźbu

Słowo pjelsć je – kaž na přikład słowo kósc – femininum, hačrunjež njekónči na -a.

### Přikłady z rěčneho korpusa:

Jako přeni dar sčěhowaše kniha za kóždeho, potom za holcy klanka – kotraž pak nowa njebě, ale jenož nowa zdrascena, ćopła lapa – ćopłe wulke wołmjane rubiško, rukajcy, nohajcy a ćopłe črije – my jim prajachmy »*buncle*« (...). (Rozhlad 1993)

Ale wšitko namaka so do swojeho porjada, woda k myću, woda za wopłokanje huby, česak a trjenje, a potom dwaj zawkaj do chribjeta, *buncle* na nohi, přikryw wokoło ramjenjow a jednu na nohi. (Jurij Brězan, Stary nan. Budyšin 1982)

Džěci měli sej *buncle* sobu přinjesć a nic předobru drastu, dokelž pohladnu tohorunja ke kruwam, kozam, wowcam a nuklam. (Serbske Nowiny 2007)